

光緒順天府志

人物志五

光緒順天府志九十五

先賢五

黃岡洪良民纂江陰穆荃孫覆輯

遼

韓延徽

子德樞
子紹勳

德樞
紹芳

康默記

孫延壽

劉珂

室昉

馬得臣

張儉

牛溫舒

楊佖

楊績

楊哲

劉伸

王鼎

張衍

金

韓昉

程來

任熊祥

劉彥宗

孫仲
晦

左泌

姓光
慶

趙元

韓企先

子鐸

翟永固

高昌福

韓

錫

合孫玉
玉子不疑

劉中

賈少冲

子益

劉徽柔

王中安

子賁
賁

王脩

張亨

丁曄仁

馬惠迪

王啟

子師
揚

馬琪

宋展

劉仲洙

馬百祿

閻公貞

巨構

梁瑤

崔遵

梁斗南

龐鑄

趙伯成

范中

杜時昇

趙質

呂貞幹

姓子
羽

高斯誠

高永

完顏仲元

完顏阿林

劉德基

王毅

馬肩龍

蕭漢傑

董文甫

王彪

王鬱

張潛

李伯淵

張天綱

李天翼

崔禮

遼

韓延徽字藏明幽州安次人父夢殷累官薊儒順三州刺史延徽少英敏燕帥劉仁恭奇之召爲幽都府文學平州錄事參軍同馮道祗候院授幽州觀察度支使

遼史列傳

守光與六鎮構怨自稱燕帝

延徽諫之不從守光置斧質於庭曰敢諫者斬孫鶴力諫守光殺之延徽以幕府之舊且素重之得全

契丹國志十六

守光末年衰因遣延

徽求援於契丹太祖怒其不拜留之使牧馬於野延徽有智畧願

知屬文舒瞻

原作述律

后言曰延徽能守節不屈此今之賢者奈何辱

以牧圉宜禮而用之太祖召延徽與語悅之遂以爲謀主舉動訪焉延徽始教契丹建牙開府築城郭立市里以處漢人使各有配

偶懇藝荒田由是漢人各安生業逃亡者亦少契丹咸服諸國延

徽有助焉通鑑二百六十九居久之慨然復懷故鄉里賦詩見志遂亡歸

唐安簡錄晉王欲置之幕府掌書記王緘疾之延徽不自安通鑑惟

及難返幽州省親匿故人王德明舍宏簡錄德明問所之案王德明即張文禮

也延徽曰今河北皆為晉有吾將復詣契丹耳德明日叛而復往

得無取死乎契丹國志延徽笑曰彼失我如失左右手其見我必喜通鑑

列安肯害我既省母遂復入契丹太祖聞其至大喜通鑑拊其背曰

嚮者何往延徽曰思母欲告歸恐不聽故私歸耳契丹國志太祖大悅

賜名曰實喇原作匣列遽言復來也即命為守政事令崇文偉大學士

中外事悉令參決天贊四年從征渤海大誣譎乞降既而復叛與

諸將破其城以功拜左僕射又與康默記攻長嶺府拔之遼史晉

王遣使至契丹延徽寓書於晉王叙所以北去之意且曰非不戀

英主非不思故鄉所以不留正懼王賊之讒耳因以老母爲託且

曰延徽在此契丹必不敢南牧故終同光之世契丹不深入者延

徽之力也契丹國志師還遇太祖崩哀動左右太宗封魯國公仍爲政

事令使晉遣攻南京三司使宏簡錄世宗朝遷南府宰相建政事省

設張理具稱盡力更天祿三年六月河東使請行冊禮帝召延徽

定其制延徽奏一遵太宗冊晉帝禮從之應歷中致仕初延徽南

奔太祖夢白鶴自帳中出比還復入帳中詰旦謂侍臣曰延徽至

矣已而果然遼史列傳卒年七十八上聞震悼贈尙書令葬幽州之魯

郭仍世爲崇文令公子德樞宏簡錄

德樞年甫十五太宗見之謂延徽曰是兒卿家之福朕國之寶未

冠守左羽林大將軍遷特進太尉遼史列傳時漢人降與轉徙者多寓

東平宏簡錄丁歲苗饑僅疾厲德樞請往撫字之授遼興軍節度使

下車整紛剔蠹恩煦信孚勸農桑興教化期月民獲蘇息入爲南院宣徽使遙授天平軍節度使平潞營三州管内觀察處置等使門下平章事已而加開府儀同三司行侍中封趙國公保甯元年

卒子紹勲紹芳

遼史列傳

紹勲仕至東京戶部使會大延琳叛被執不屈以錮解之憤罵至

死

遼史韓延徽傳

紹芳太平三年爲樞密直學士重熙間參知政事加兼侍中十二年議征李元昊力諫不聽出爲廣德軍節度使聞敗嘔血卒

宏簡錄

康默記本名煦少爲薊州衙校

案康默記史不詳其何處人薊州舊志列鄉賢內當是薊州人今從

之太祖侵薊得之愛其材隸麾下得與佐命功臣遇一切蕃漢事相干涉屬默記折衷之時諸部新附文法未備令推析律意論次重輕悉合上意不差毫釐

宏簡錄二百十

罹禁網者人人自以爲不寃頃

之拜左尚書神冊三年遼史城皇都以默記充版築使遼史董役

人咸勸趨百日而訖事五年為皇都夷勒希巴原作夷會出師居

庸關命默記將漢軍進逼長蘆水寨俘馘甚眾天贊四年十二月

詔曰渤海世讐未雪豈宜安駐乃舉兵親征遼太默記與韓知古

從後大誣誤叛命諸將攻之默記分薄東門率驍勇先登既拔與

韓延徽下長嶺府軍還已下城邑多叛默記與阿古齊原作阿平

之既破輝發原作城歸太祖崩復董山陵功畢而卒孫延壽

宏簡錄

延壽字胤昌少倜儻謂其所親大丈夫為將當效節邊陲馬革裹

屍景宗特授千牛衛大將軍宋人攻南京諸將既成列延壽獨奮

擊陣前敵遂大潰以功遙授保大軍節度使乾甯三年卒遼史

劉珂晞次子尚世宗妹燕國公主少善射以材能稱賦性謹重未

嘗有過爲太宗所知忿石晉負恩連年南牧戰定州時深入帝馬陷泥蒲中珂下馬奉帝出身被數十瘡流血滿體太宗壯之遷林牙行宮都部署西北路兵馬招討使從入大梁授同知府事尋校漢人樞密使封吳王

契丹國志十六

室昉字夢奇南京人

按宛平志作析津人

幼謹厚篤學不出外戶者二十年

雖里人莫識其精如此會同初登進士第爲盧龍巡捕官

遼史列傳太

宗入汴受冊禮詔昉知制誥總禮儀事爲南京留守判官

宏簡錄二百十

應歷間累遷翰林學士出入禁闥十餘年數延問古今治得失奏

對稱旨上多昉有理剝才改南京副留守決訟平允人皆便之遷

工部尙書尋改樞密副使參知政事頃之拜樞密使兼北府宰相

加同政事門下平章事統和元年告老不許進尙書無逸篇以諫

太后聞而嘉獎二年秋詔修諸嶺路昉發民夫二十萬一日畢功

是時昉與韓德讓耶律色珍

原作斜軫

相友善同心輔政

遼史列傳

整革靈

弊知無不言務在息民薄賦

歲輔唐志七十一

四年南征還奏山西四州

自宋兵至後人民轉徙盜賊充斥乞下有司禁止命新州節度使

滿打里選人分道巡檢從之

宏簡錄

八年復請致政詔入朝免拜賜

几杖太后遣閤門使李從訓特詔勞問令常居南京封鄭國公初

晉國公主建佛寺于南京上許賜額昉奏曰詔書悉罪無名寺院

今以主請賜額不惟違前詔恐此風愈熾上從之表進所撰實錄

二十卷手詔褒之加政事令賜帛六百匹九年薦韓德讓自代不

從

遼史列傳

賜貂皮裘得許乘輦入朝病劇遣翰林學士張幹就第授

中京留守加尙父卒年七十五上嗟悼輟朝二日贈尙書令遺言

戒厚葬恐人譽過情自志其墓

宏簡錄

馬得臣南京人好學博古善屬文尤長於詩保甯間累遷政事舍

人翰林學士常預朝議以正直稱

遼史列傳

統和二年改宣政殿仍兼

侍讀學士聖宗閱唐高祖太宗元宗三紀命錄其行事可法者以

進

宏簡錄二百十

時上擊鞠無度上書諫曰臣竊觀房元齡杜如晦隋季

書生向不遇太宗安能爲一代名相臣雖不才陛下在東宮幸列侍從今又得侍聖讀未有裨補聖明陛下嘗問臣以貞觀開元之事臣請畧陳之昔唐太宗侍太上皇宴罷則挽輦至內殿元宗與兄弟歡飲盡家人禮陛下嗣祖考之祚躬侍太后可謂至孝臣更望定省之餘敦睦六親加以愛敬則陛下親親之道比隆二帝矣臣又聞二帝耽玩經史數引公卿講學至于日昃故二帝當時天下翕然嚮風以隆文治今陛下留心典籍分解章句臣願研究經理深造而篤行之二帝之治不難致矣臣又聞太宗射豕唐儉切諫元宗臂鷹韓休懇言二帝莫不樂從今陛下以毬馬爲樂愚臣思

之有不宜者三君臣同戲不免分爭君得臣愧此負彼喜一不宜
躍馬揮杖縱橫馳騫不顧上下之分爭先取勝失人臣禮二不宜
輕萬乘之尊圖一時之樂萬有銜勒之失其如社稷太后何三不
宜儻陛下不以臣言爲迂少賜省覽天下之福羣臣之願也書奏
帝嘉歎良久遼史統和七年卒贈太子太保賜錢十萬粟百石有
司給葬宏簡錄

張儉宛平人端慤清儉不事外飾

宛平志

統和十四年進士第一調

雲州幕官聖宗獵雲中故事車駕經行長吏當有所獻節度使進

曰臣境無他產惟幕僚張儉一代之寶願以爲獻

宏簡錄

先是聖

宗夢四人侍側賜食人二口至問儉名始悟因召見容止樸野訪

及世務占奏三十餘事由此顧遇特異踐歷清華號稱明幹

遼史

開泰二年拜政事舍人

宏簡錄

累遷同知樞密院事太平五年出爲

武定軍節度使移鎮大同六年入爲南院樞密使帝方眷倚參知

政事吳叔達與儉不相能帝怒出達爲康州刺史拜儉左丞相封

韓王帝不豫受遺詔輔立太子是爲興宗

遼史列傳

賜號貞亮宏靖保

義守節耆德功臣進太師中書令加尙父徙王陳

宏簡錄

重熙五年

帝幸禮部貢院及親試進士進見不名賜詩褒美

遼史列傳

儉爲人質

素衣唯絀帛食不重味月俸有餘賜給親舊方冬奏事便殿帝見

衣袍敝密令近侍記之屢見不易

宏簡錄

帝問其故儉對曰臣服此

袍已三十年時尙奢靡故以此微諷喻之上憐其清貧令恣取內

府物儉奉詔持三端而出益獎重儉弟五人帝欲遽賜進士固辭

有司獲八盜已戮乃獲正賊家人訴冤儉三乞申理上怒曰欲朕

償命耶儉謂八家老稚無告少加存恤使得收葬足慰存歿矣乃

從之凡在相位二十餘年裨益爲多致政歸第會耒耨辭不如禮

上將親征幸其第尚食先往具饌卻之進葵羹乾飯帝食之美徐問以策儉極陳利害且曰第遣一使問之何必遣勞車駕上悅而止復卽其第賜宴器玩悉與之十二年薨年九十一勅葬宛平縣

遼史
列傳

牛溫舒涿州范陽人爲人剛正尚節義有造器

宏簡錄
二百十

咸雍中擢

進士第滯小官大安初累遷戶部使轉給事中知三司使事國民

兼足

遼史
列傳

聖宗以爲能加戶部侍郎改三司使壽隆中拜參知政

事兼同知樞密院事攝中京留守部民詣闕請真拜從之召爲三

司使

宏簡
錄

乾統初復參知政事知南院樞密使事五年夏爲宋所

攻來請和解

遼史
列傳

六年遣知北院樞密使蕭塔喇台

原作得
里底

與溫

舒使宋

遼史
列傳

請元符以後所侵西界地

契丹圖
志十

方大燕優人爲道

士裝索土泥藥爐

遼史
列傳

一優應曰土少不能和溫舒遽起以手藉

士懷之

宏簡錄

宋主問其故溫舒對曰臣奉天子威命來和若不從

則當卷土收去

遼史列傳

徽宗曰先帝已畫封疆今不復議若自崇甯

以來侵地可與之

契丹國志六年契丹志

按此事列傳以為五年本紀載於六年契丹志同蓋夏請和解在五年遣使則六

年也今從紀

遂許夏和還加中書令卒

遼史列傳

楊佖字正叔析津人

宛平王志

幼穎悟異常讀書自能成句讀識者奇

之弱冠聲名籍甚統和二十四年舉進士第一歷校書郎大理正

開泰六年轉儀曹郎典掌書命加諫議大夫出知易州治尚清簡

徵發期會必信入為大理少卿累遷翰林學士文章號得體

遼史列傳

七年為刑部侍郎八年燕地饑疫民多流殍擢為南京留守同知

發倉廩賑乏絕貧民鬻子者計備出之

宏簡錄二百十

宋遣梅詢賀千齡

節詔佖迎送唱酬詢每見稱賞復為翰林學士重熙元年升翰林

學士承旨

遼史列傳

母憂起復拜工部尚書

宏簡錄

歷忠順軍節度使朔

武等州觀察處置使天德軍節度使加特進檢校太師同中書門下平章事復拜參知政事兼知南院樞密使十五年出爲武定軍節度使境內亢旱苗稼將槁視事之夕雨澤霑足百姓歌曰何以蘇我上天降雨誰其撫我楊公爲主遼史列傳澤陽水失故道歲爲民害以已俸創長橋人不病涉被召之日郡民攀轅泣送上御清涼殿宴勞卽日拜吏部尙書兼門下侍郎同中書門下平章事宏簡錄

上曰卿今日何減呂望之遇文王佶對曰呂望比臣遭際有十年之晚上悅其居相位遼史列傳以進賢爲已任事總大綱人人樂用宛平

志王三請致政除判順度軍月給錢粟僕隸四時遣使存問佶卒有登瀛集行於世宏簡錄

楊績良鄉人太平十一年進士及第累遷南院樞密副使與杜防韓知白等擅給進士堂帖降長甯軍節度使徙知涿州清甯初拜

參知政事兼同知樞密院事爲南府宰相九年閏重元亂與姚景

行勤王上嘉之十年知興中府咸雍中入知樞密院事二年乞致

仕不許拜南院樞密使

遼史列傳

興宗以舊臣特召燕見論古今治亂

人臣邪正方今契丹忠直無如耶律玳漢人則劉伸而已然熟察

之伸又不如玳之剛介續拜賀曰

宏簡錄二百十

何代無賢遇亂世則獨

善其身遇明主則兼濟天下陛下銖分邪正升黜分明天下幸甚

續唐志七十一

八年六月甲戌封續爲趙王

宏簡錄

太康中以例改王遼

西致仕加守太保薨

遼史列傳

楊質字昌時安次人幼通五經大義聖宗聞其穎悟試詩授校書

郎太平十一年擢進士乙科改著作佐郎重熙十二年累遷樞密

都承旨權度支使登對稱旨進樞密副使歷長甯軍節度使山西

路轉運使知興中府

宏簡錄二百十

清甯初入知南院樞密使與姚景行

同總朝政請行柴冊禮封趙國公以足疾復知興中府咸雍初徙封齊召賜同德功臣尙書左僕射兼中書令拜樞密使改封晉給宰相樞密使兩廳僚從封趙王屢請歸政益賜保節功臣致仕太康五年創改遼西郡王

遼史列傳

劉仲字濟時宛平人少穎悟長以辭翰聞重熙五年登進士第歷彰武軍節度使掌書記大理正因奏獄上適與近臣語不願

遼史列傳

仲進曰自古帝王重民命願陛下省臣奏上驚異

宛平王志

擢樞密都

承旨權中京副留守詔徙富民以實春泰二州仲奏罷以爲不可

遷大理寺少卿正卿人以不寃稱轉西京副留守父憂終制爲三

司副使加諫議大夫提點大理寺明法律多寬恕屢案寃獄全活

者衆徙南京副留守俄改崇義軍節度使

宏簡錄二百十

政務簡靜民用

不擾致烏鵲同巢之異優詔褒之改戶部使歲入羨餘錢三十萬

緒拜南院樞密副使道宗嘗謂大臣曰遼史方今羣臣忠直耶律

玘劉伸而已遼史楊宰相楊積賀其得人拜參知政事上諭之曰

卿勿憚宰相時北院樞密使伊遜原作乙辛勢焰方熾伸奏曰臣於伊

遜尚不畏何宰相之畏伊遜銜之相與誹貶出為保靜軍節度使

上終欲大用加守太子太保遷上京留守伊遜以事徙鎮雄武復

以崇義軍節度使致仕遼史趙燕薊民饑伸與致仕趙徽韓造日

濟以糜粥所活不勝算大安二年伸卒上震悼贈贈加等宏簡

王鼎字虛中涿州人一統志幼好學居太甯山數年博通經史遼史

長於詩賦遇上已間出水濱被稷時馬唐俊有名燕薊間見其樸

野宏簡錄置下座欲以詩困之先出所作索賦鼎援筆立成唐俊

驚其敏妙因與定交清甯五年擢進士第調易州觀察判官改涑

水縣令累遷翰林學士當代典章多出其手遼史上書言治道十

列傳

事帝以爲達政體事多咨訪

宏簡錄

壽隆初遷觀書殿學士坐誹語

奪官流鎮州

涿州吳志

居數歲有赦鼎獨不免會守臣召鼎爲賀表因

以詩貽使者有誰知天雨露獨不到孤寒之句上聞而憐之卽召

還復其職

遼史列傳

鼎正直不阿人有過必面詆之

涿州吳志

以是多見疏

忌

宏簡錄

乾統六年卒鼎宰縣時憇於庭俄有暴風舉卧榻空中鼎

無懼色但覺枕榻俱高乃曰吾中朝端士邪不干正可徐置之須

史榻復故處風遂止

遼史列傳

張衍香河人祖守均父壽皆晦跡不仕衍遼壽昌元年登進士第

授校書郎管內都商稅處脂膏之所廉潔不染課績畢遷祕書郎

知龍門縣事秩滿士民請留不許補中京留守推官決疑獄釋重

囚五人時服其明允遷都員外郎授比部侍中子經監察御史備

州商翹鐵院使檢校國子監祭酒雲騎左班祗候

香河劉志引張衍墓志

金

韓昉字公美燕京人仕遼累世通顯昉五歲喪父哭泣能盡哀

金史

傳天慶二年進士第一累遷右拾遺史館修撰少府少監乾文閣

待制加衛尉卿知制誥

宏簡錄二百四十九

契丹爲金人攻擊窮蹙無計蕭

后遣昉來童貫蔡攸于軍中願除歲幣復結和親且言女眞本遠

小部落貪婪無厭蠶食種類五六十國今若大遼不存則必爲南

朝憂唇亡齒寒不可不慮貫與攸叱出之昉大言于庭曰遼宋結

好百年誓書具存汝能欺國獨能欺天耶昉去貫亦不以聞於朝

遼亡昉降於金熙宗自爲童時聰悟令昉教之後能賦詩染翰

大金

國志

二天會四年充高麗國信使高麗雖舊通好奉表稱藩而不肯

進誓表累使要約皆不得要領

金史

昉至移督再三其國徵讀書

知古今者商榷辭旨凡涉旬乃始置對曰小國事遼宋二十年無

誓表未嘗失藩臣禮今事上國當與同禮必不敢用誓表昉曰事
各隨時古今異宜如必欲用古禮堯舜三代天子巡狩羣后四朝
今上方狩貴國當從朝會宏簡錄高麗人無以對乃曰徐議之昉曰

誓表朝會一言決耳於是高麗乃進誓表如約昉乃還宗幹大說
曰非卿誰能辦此明年加昭文館直學士兼堂後官再加諫議大
夫遷翰林侍講學士金史列傳十二年拜禮部尙書天眷初遷翰林學

士兼太常卿修國史在職凡七年議禮制度因革咸出其手拜濟
南尹皇統元年召爲參知政事屢乞致仕除汴京留守封鄆國公
俄以儀同三司致仕天德初加開府卒年六十八宏簡錄昉性仁厚

待物甚寬有家奴誣告昉以馬資送叛人出境考之無狀有司以
奴還昉昉待之如初曰奴誣主人以罪求爲良耳何足怪哉人稱
其長者金史列傳胡礪少嗜學爲軍士所掠行至燕昉見而異之使賦

詩以見志礪操筆立成昉喜甚因館置門下使與其子處同教育

之金史胡昉雖貴讀書未嘗去手善屬文最長於詔冊金史當作

武元聖德神功碑爲作者所稱子汝嘉字公度皇統二年進士累

遷眞定路轉運使坐公事遷清州防禦使召爲翰林侍讀學士中

八集

程宗字公弼析津人一統志祖冀仕遼廣德軍節度使冀凡六男父

子皆擢科第士族號其家爲程一舉金史父四穆遼崇義軍節度

使宗自幼如成人及冠篤學登進士甲科累遷殿中丞宏簡錄二百三十七

天輔七年太祖入燕授尙書都官員外郎錦州安昌令金史入爲

起居郎史館修撰以從軍有勞加少府少監熙宗時厯翰林侍制

兼右諫議大夫屢上疏言事宏簡錄其略曰殿前檢點司古殿嚴環

衛之任所以肅禁禦尊天子備不虞也臣幸得近清光從天子觀

時畋之政比見陛下校獵凡羽衛從臣無貴賤皆得執弓矢馳逐而聖駕崎嶇沙漠之地加之林木叢鬱易以迷失是日自卯及申百官始出沙漠獨不知車駕何在瞻望久之始有騎來報皇帝從數騎已至行在竊謂古天子出入警蹕清道而行至於楚畋雲夢漢獵長楊皆盛陳兵衛以備非常陛下膺祖宗付託之重奈何獨與數騎出入林麓沙漠之地前無斥候後無羽衛甚非肅禁鑠之意也臣願陛下熟計之後若復獵當預戒有司圖上獵地具其可否然後下令清道而行擇衝要稍平之地爲駐蹕之所簡忠義爪牙之士統以親信腹心之臣警衛左右俟其康鹿既來然後馳射仍先遣搜閱林藪明立標幟爲出入之馳道不然後恐貽宗廟社稷之憂

金史列傳

又曰鑾輅省方憲古行事誠恐郡國新民奢侈詐僞習染舊汙多有不明之獄僭濫之刑名役無時四民失業臣願天

心洞照委之長貳釐正風俗或置軌區以伸冤枉或遣使郡國問
民疾苦皆古巡狩之事如此則和氣流通天下不平可坐而待也
又曰臣聞善醫者不視在人之肥瘠察其脈之病否善治者不視
天下之安危察其紀綱之理否天下者人也安危者肥瘠也紀綱
者脈也脈不病雖瘠不害脈病而肥者危矣是故四肢雖無故不
足恃也脈而已矣天下雖無事不足矜也綱紀而已矣尙書省天
下喉舌之官綱紀在焉誠使升黜有科任得其人百官各揚其職
以立綱紀未有或致危亡者也又曰臣伏見本朝富有四海禮樂
制度莫不一新獨宮禁之制尙未嚴密胥吏健卒之輩皆得出入
莫有呵止所立閑入之法久尙未行甚非嚴禁衛明法令之意上
咸嘉納

宏簡錄

皇統八年十二月由翰林侍講學士爲橫海軍節度

使移彰德軍節度使卒官年六十二案剛正耿介不諂奉權貴以

希苟進有古君子之風云

金史列傳

任熊祥字子仁八代祖園爲後唐宰相園孫睿隨石晉北遷遂爲

燕人熊祥登遼天慶八年進士第爲樞密院令史

金史列傳

隨燕地歸

宋授武當丞宋法新附官不釐務

宏簡錄

熊祥言於郡守楊哲曰旣

不與事請止給半俸以養親哲雖不許而喜其廉

金史列傳

會復取均

房州仍歸朝依舊任令史攝院事西京留守高慶裔嚴厲無敢忤

其意者獨未嘗阿意事之

宏簡錄

其後杜充劉筭同知燕京行省法

制未一日有異論熊祥爲折衷之厯深磁二州刺史開府少尹行

臺工部郎中汴京留守同知天德初爲山東東路轉運使改鎮西

節度使是時詔徐文張宏信討東海縣宏信逗遛稱疾不進決杖

二百熊祥被詔爲會試主文以事不避難臣之職爲賦題及御試

熊祥復以賞罰之令信如四時爲賦題海陵大喜以爲翰林侍學

士未幾致仕大定初起為太子少師時幹罕竊號用兵不息宏簡錄

上以為憂詔公卿百官議所以招伐之宜眾皆議異熊祥徐進曰

陛下以勞民為憂用兵為重莫若以恩信招懷之上問孰可使者

對曰臣雖老憑國威靈尙堪一行上曰卿老矣無煩為此金史七列傳

年復致仕遂卒於家熊祥事母以孝聞母歿時年已七十不食三

日人皆稱之宏簡錄

劉彥宗字魯開宛平人唐藩鎮怱裔孫由石晉時歸遼六世相繼

為遼相父晉至中京留守彥宗登進士乙科宏簡錄二天祚走天

德秦晉國王耶律聶呼自立於燕擢彥宗留守判官蕭妃攝政遷

簽書樞密院事金史列傳太祖入燕彥宗與左企弓等奉表降金史列傳太

祖一見器過俾復舊職遷左僕射佩以金牌使宣慰平州張覺太

祖既以燕京與宋人乃遷軍至鴛鴦灤不豫將歸京師以宗翰為

都統

金史宗翰傳

留彥宗佐之

金史列傳

又佐宗望軍

宏簡錄

建樞密院於燕

山以彥宗主院事

大金國志三

宗望奏方圖攻取凡州縣之事委彥宗

裁決之

金史列傳

天會二年上以中京等兩路先多拒命特遣往諭撫

宏簡錄

未幾大舉伐

慰百姓務勤稼穡官民罪犯在降附前者勿論

宏簡錄

宋彥宗畫十策詔彥宗兼領漢軍都統蔡靖以燕山降詔彥宗凡

燕京一品以下官皆承制注授

金史列傳

伐宋師還宗望分將士屯安

肅雄霸廣信之境

宏簡錄

留彥宗於燕京節制諸軍

金史列傳

乃治官政

庀民務勸農積穀內供京師外給轉餉

宏簡錄

明年再伐宋已圍汴

京謂宗翰宗望曰蕭何入關秋毫無犯惟收圖籍遼太宗入汴載

路車法服石經以歸皆令則也二帥嘉納之天會二年薨年五十

三追封鄆王正隆二年例降封開府儀同三司大定十五年追封

充國公諡英敏子萼筈自有傳孫仲誨

金史列傳

仲誨字子忠，管子皇統初，仲誨以宰相子授忠勇校尉。九年，賜進士第，除應奉翰林文字。海陵嚴暴，臣下應對多失次，嘗以時政訪問在朝官。仲誨從容敷奏，無懼色。海陵稱賞之。金史列傳貞元初，丁父

憂，起復翰林修撰。大定二年，遷侍制，尋兼修起居注。左補闕三年

詔與左司員外郎富察富色克廉問所過州縣遺奏，進玉田縣令

李方一階。順州知法權密雲縣事。王宗永擢密雲縣尉，免順州司

候張璘密雲縣舒穆魯烏哲。原作石抹烏哲，原條二百八十八。宏丁母憂，起復太

子右諭德，遷翰林直學士，改棣州防禦使。宋史列傳境內多盜，厭次縣

送所獲強盜數十，疑其有冤，乃擇老稱者先釋之，未幾果獲真盜。

入爲禮部侍郎，兼左諭德，遷太子詹事。宏簡錄上曰：東宮官屬猶當

選用正人，如行檢不修及不稱位者，具以名聞。又曰：東宮講書或

論議間當以孝儉德行正身之事告之。頃之東宮請增牧人及張

設什用上謂仲誨曰太子生於富貴每教之恭儉朕服御未嘗妄
有增益卿以此意諭之改御史中丞十四年爲賀宋國歲元使宋
主欲變親起接贊之儀遣館伴王抃來議曲辨強說要以必從仲
誨曰使臣奉命遠來修好固欲成禮而信約所載非使臣輒敢變
更公等宋國腹心毋僥倖一時失大國歡往復再三竟用舊儀親
起接贊成禮而還復爲太子詹事遷吏部尙書轉太子少師坐失
糾舉大長公主事與侍御史李瑜各削一階大定十九年卒金史
列傳
生平立朝峻整容色莊重前後爲東宮官十五年多進規戒宏簡
錄
世宗嘗曰朕見劉仲誨嘗若將切諫者其以剛嚴見知如此一統
志
左泌字長源企弓長子也仕遼官至棣州刺史太祖平燕泌從企
弓歸朝旣而東遷至平州企弓爲張覺所害泌復還燕是時以燕
興宋宣撫司遣至汴泌以平州仇人在是乃間道奔還朝廷嘉之

擢西上閣門使

金史列傳

從宗望南伐破真定有功擢知祁澤隰三州

貞元初遷濬州防禦陝西路轉運使封戴國公泌性夷澹好讀莊

老

宏簡錄二百二十八

年六十一卽請致仕親友或以爲早泌歎曰子年三

十乘旄鉞侵尋仕路又三十年名遂身退可矣時人高之卒年七

十四

金史列傳

弟淵自有傳淵子光慶

光慶字君錫幼穎悟沈厚少言淵嘗謂所親曰世吾家者此子也

以蔭補閣門祗候遷西上閣門副使丁父憂起復東上閣門副使

再轉西上東上閣門使兼太廟署令光慶好古讀書識大義喜爲

詩善篆隸尤工大字世宗行郊禮受尊號及受命寶皆光慶篆凡

宗廟勝署經光慶書者人稱其有法典領原廟坤厚陵壽安宮工

役不爲苛峻使勞逸相均身兼數職勤慎周密未嘗自伐世宗獨

察之初御史大夫璋請製大金受命寶有司以秦璽文進上命以

大金受命萬世之寶爲文徑四寸八分厚一寸四分蟠龍紐高厚各四寸六分有半禮部尙書張景仁少府監張謹言典領工事詔光慶篆之遷同知宣徽院事改少府監丁母憂起復右宣徽使世宗幸上京光慶往治儀仗制度時人以爲得宜二十五年卒年五十一上遣使致祭賻銀三百兩重綵十端絹百疋平時喜爲善言蓄善藥號善善道人晚信浮屠法自作眞贊語皆任達云

金史列傳

趙元字善長涿州范陽人遼天慶八年進士第仕至尙書金部員外郎遼亡郭藥師爲宋守燕以元掌機宜文字王師取燕藥師降樞密使劉彥宗辟元爲本院令史天會間同知薊州事有賊殺人橫道官吏圍視莫知所爲路人耕夫聚觀甚衆元指田中釋耒而來者曰此賊也叱左右縛之遂伏僚吏問其故元曰偶得眉睫間耳

金史列傳

會立磨勘格以元嘗仕於宋宣和除名

宏簡錄二百三十九齊國廢

置行臺省於汴選名士備官屬元在選中投行兵部郎中及宗弼

再取河南

金史列傳

以元攝戶部事賦調兵食悉皆倚辦天眷三年轉

行臺右司員外郎因有殺人當死者行臺欲宥之元不從反覆數

四宏簡錄

乃仰天歎曰如殺人者可宥死者復何辜何欲徵已福而

亂天下法乎行臺竟不能奪改左司員外郎攝吏部事在行臺凡

十年吏事明敏行臺或有事上相府宗弼必問曾經趙元未也其

見重如此久之同簽汴京留守事改同知大名尹用廉遷河北西

路轉運使歷彰德武勝等軍節度使以老致仕卒於家

金史列傳

韓企先燕京人九世祖知古仕遼爲中書令徙柳城歷世貴顯至

企先博通古今經史乾統間登進士回翔不振都統宗杲定中京

擢樞密副都承旨遷轉運使

宏簡錄二百二十八

宗翰經略山西表署西京

留守天會六年劉彥宗薨以企先代之同中書門下平章事知樞

密院事七年遷尙書左僕射兼侍中封楚國公金史初太祖定燕列傳

始用漢官宰相置中書省樞密院於廣甯府本朝自用女真官號

太宗初年無所更文及張敦固伏誅移置中書樞密院於平州又

移置燕京凡漢制選授調發租稅皆承制行之宏簡錄舍音宗幹當

國勸太宗改女真舊制用漢官制度金史列傳立尙書省以下諸司府

寺始以企先爲右丞相宏簡錄召至上京入見太宗甚驚異曰朕疇

昔嘗夢此人今果見之於是方議禮制度損益舊章企先知前代

故事因革咸取折衷一統志企先爲相拔擢一時賢能皆置機要金史

孟浩傳宗翰宗幹雅敬重之金史列傳皇統元年封濮王六年二月丙寅

薨案通鑑作夏五月年六十五宏簡錄正隆二年例降封齊國公大定八年

配享太宗廟庭十年司空李應固孫引慶求襲其祖明安世宗曰

德固無功其明安且闕之漢人宰相惟韓企先最賢他不及也金史

列傳 企先入相兩朝幾二十年成功著業故世宗稱其賢焉金史傳贊十

一年將圖功臣像於衍慶宮上曰丞相企先本朝典章制度多出

斯人之手至於關決大政與大臣謀議不使外人知之由是無人

能知其功前後漢人宰相無能及者置功臣畫像中亦足以示勸

後人金史列傳乃命圖其形十五年謚簡懿宏簡子鐸

鐸字振安企先次子也皇統末以大臣子授武義將軍熙宗聞其

有儒學賜進士第除宣徽判官再遷刑部員外郎海陵遣中使諭

之曰郎官高選也以汝勲賢之子行己蒞官能世其家故以命汝

苟能夙夜在公當不次擢用雖公相可到金史列傳鐸感激思奮獄或

有疑據經議讞咸得其當宏簡錄二百二十八海陵伐宋改兵部員外郎金史

列傳大定初遷本部郎中累官河州防禦使求養親解去召爲諫議

大夫遷中都路都轉運使頃之上謂宰臣曰韓鐸年高不任繁劇

且其母老矣可與之便郡於是改順天軍節度使卒

金史列傳案崔立傳立

遺其黨韓鐸以大后命召從格通鑑韓鐸注韓鐸燕人考金史鐸於世宗時已卒崔立所遣之韓鐸在哀宗天興時當別是一人

翟永固字仲堅中都良鄉人太祖與宋約攻遼以燕歸宋宋人以

經義兼策取士永固中第一授開德府儀曹參軍金破宋永固北

歸

金史列傳

又中天會六年詞賦科授懷安丞遷望雲令補樞密院令

史宗翰愛其能辟爲府掾

宏簡錄二百三十五

永固家貧求外補宗翰不許

以錢三千貫周之薦於朝攝左司郎中除武定軍節度副使歷同

知清州防禦使入爲工部員外郎以母憂去官起復禮部郎中遷

翰林直學士

金史列傳

海陵篡立命副完顏思恭爲宋報諭使就令伺

察動靜使還改禮部侍郎

宏簡錄

久之分護燕京宮室役事永固請

寫無逸圖於殿壁不納俄遷太常卿考試貞元元年進士出尊祖

配天賦題海陵以爲猜度已意召永固問曰賦題不稱朕意我祖

在位時祭天拜乎對曰拜海陵曰豈有生則致拜死而同體配食者乎對曰古有之載在典禮海陵曰若桀紂曾行亦欲我行之乎

金史列傳遂與張景仁皆杖二十俄遷永固禮部尚書賜笏頭毬文金

帶改永定軍節度使金史列傳正隆二年例降二品以上官爵永固階

光祿大夫不降以寵異之遷翰林學士承旨與直學士韓汝嘉俱

召至內殿問以將親伐宋事永固對曰宋人本朝無釁隙伐之無

名縱使可伐亦無煩親征遣將帥可也金史列傳由是大忤旨永固卽

請致仕歸卧於家大定二年起尚書左丞請依舊制廉察官吏革

正隆守令之汙從之金史列傳明年表乞致仕不許罷爲眞定尹賜通

犀帶尚書省奏永固自執政爲眞定尹其繳蓋當用何制度上曰

用執政制度遂著爲令五年懇乞致仕許之六年薨金史列傳

高昌福中都宛平人父履遜御史中丞致仕太宗聞其名召之未

及入見而卒特詔昌福釋服應舉中天會十年進士第補樞密院

令使明年辟元帥府令使皇統初宗弼復河南金史列傳詔諸州郡軍

旅之事決於帥府金史宗弼傳人有疑似被獲皆指爲宋謀殺之昌福

蘇得實釋者甚衆議輔唐志七十一州都統韓常嚴酷好殺遣吏送囚於

汴囚道亡自度不免欲盡殺以滅口亦爲窮竟其狀免死者十七

八宏簡錄二而諸吏遂怨昌福欲構害之是時方用兵梁楚間夜

多陰雨元帥府選人偵宋兵動靜諸吏遣昌福昌福不辭卽行盡

得敵軍虛實報元帥府師還除振武軍節度使轉行臺禮部員外

郎天德間行臺罷改絳陽軍節度副使入爲兵部員外郎金史列傳轉

河間少尹世宗卽位上書陳便宜事上披閱再三因謂侍臣曰自

此可以識內外官之優劣不然朕何由知之三除東京留守同知

治稱最遷山東西路轉運使工部尙書彰德軍節度使宏簡錄二

百三十九

上書言賦稅太重上問翰林學士張景仁曰稅法比近代爲輕而

以爲重何也景仁曰今之稅殊輕若復輕之國用且不足事遂寢

累遷河中尹致仕卒

金史列傳

韓錫字難老其先自析津徙薊之漁陽祖貽愿遼宣徽北院使父

秉休歸朝領忠正軍節度使錫以廕補閤門祇候天會中南伐錫

從軍掌禮儀俄以母老迺就監差久之授神銳軍都指揮使入爲

宮苑使天德元年擢尙書工部員外郎領燕都營繕特賜胡礪榜

進士及第四遷尙書戶部侍郎

金史列傳

二年命錫以工部侍郎同知

宣徽院事錫不謝杖二百奪所授官

金史海陵紀案錫傳不載此事亦不言爲工部侍郎疑

戶字即工字之誤也俄因母喪起復舊職付金牌一銀牌十籍山東水手部

船三百會蘇保衡於廣陵率舟師泛海徑趨臨安宋兵來襲敗於

海中

金史蘇保衡傳

喪船過半令錫補足之時水淺船不得進海陵遣使

急責之衆稍亡錫召諸豪諭之曰今連保法嚴逃將安往縱一身

偶脫其如妻子何衆悟亡者稍止大定改元於遼東錫奔赴行在

詔復前職明年授同知河間府事

金史列傳

時皇族居彼者縱甚上引

見香閣令悉繩之以法錫下車宣布詔言後無敢有撓政害民者

宏簡錄二

遷孟州防禦使累拜絳陽軍節度使改知濟南府事告

老許之明昌五年卒年八十三

金史列傳

曾孫玉

玉字溫甫明昌五年經義詞賦兩科進士入翰林爲應奉應制一

日百篇文不加點又作元勲傳稱旨章宗歎曰勲臣何幸得此家

作傳耶泰和中建言開通州潞水漕渠船運至都陞兩階授同知

陝西東路轉運使事

金史列傳

大安三年都城受圍夏人連陷邠涇陝

西帥司檄玉爲都統府募軍旬日得萬人藉秦州場買馬官香及

鳳翔冒買馬七百寶雞埋沒官鐵他州郡弓弩數千以給軍出屯

華亭與夏人戰敗之獲牛馬千餘時夏五萬兵圍平涼又戰于北

原夏人疑大軍至是夜解去

大金國志二十八

當路者忌其功駁奏王與

寇有謀朝廷疑之使使者授玉河平節度使且覘其軍先是華州

李公直以都城隔絕亦謀舉兵入援以誓約王

宏簡錄二百四十五

王恃其

軍可用

大金國志

毅然有勤王之志因移檄關中言詞忠壯聞者感動

其檄有云人誰無死有臣子之當然事至于今忍君親而弗顧勿

謂百年身後虛名一聽史臣只如今日目前何顏再居人世王侯

將相甯有種乎富貴功名當自致耳

歸潛志五

公直一軍行且有日有

不從者輒以軍法從事京兆統軍使見其言峻厲謂公直據華州

反遣都統楊珪襲取之遂寘極刑王初不知有所約書安撫使得

之轉語使者誣王亦預謀

宏簡錄

王道出華州被囚死于郡學臨終

書二詩壁間士論寃之

金史列傳

子不疑

不疑字居之以父死非罪誓不祿仕藏其父臨終時手書云此去冥路吾心浩然剛直之氣必不下沈兒可無慮世亂時艱努力自護幽明雖異甯不見爾讀者惻然

金史列傳

劉中字正夫漁陽人爲人短小精悍滑稽玩世中明昌五年詞賦經義第詩清便可喜賦甚得楚辭句法尤長于古文典雅雄放有韓柳氣象教授弟子王若虛高法鵬張履張雲卿皆擢高第學古文者翕然宗之曰劉先生以省掾從軍南下改授應奉翰林文字爲主帥所重常預密謀書檄露布皆出其手軍還授左司都事將大用矣會卒有文集藏於家

中州集四

賈少冲字若虛通州人勤學日誦數百千言家貧甚嘗在道中獲遺金訪其主歸之

金史列傳

天會中調民兵伐宋代其叔行雖行伍間未嘗釋卷劉苦欲妻以妹辭不就曰富貴當自致之登天眷二年

進士調營州軍事判官守正不阿遷定安令屬吏咸畏察廉進官一階再遷吏部主事定武軍節度使副使河中府判官

宏簡錄三百三十七

海陵凌以失道少冲謂所親曰天下且亂不可仕也

金史列傳秩滿不

復出大定初年累遷刑部郎中

一統志

往北京決獄奏誅首惡註誤

牽連者皆釋不問全活凡千人以本職攝右司員外郎嘗執奏刑名甚堅既退上謂侍臣曰少冲居下位有守如此除同知河間尹數月入爲秘書少監兼起居注左補闕少冲外柔內剛每從容進諫世宗稱美之十四年爲宋主生日副使宋國方有所請上以意諭少冲少冲對曰臣有死無辱宋人別致珍異少冲笑曰行人受賜自有常數甯敢以賂辱君命乎卻不受遷右諫議大夫十七年請老除衛州防禦使遷河東南路轉運使召爲太常卿兼秘書少監復請致仕不許改順天軍節度使卒少冲性夷簡而不喜言利

嘗教諸子曰：「廕所以庇身筭庫不可爲也。」聞者尙之子益。金史列傳

益字損之，少穎悟如成人。大定十四年，父少冲充宋主生日副使。

益侍行，是時宋人常爭起立接受國書之禮。少冲問益曰：「卽宋人

欲變禮持議不決，奈何？」益曰：「守死無辱，可謂使矣。」少冲大奇之。大

定十九年，進士調河津主簿。丁父憂去，官察廉，起復礮山令，補尙

書省令使。金史列傳丁母憂，服闋，除定海軍節度副使、歷監察御史，知

登聞鼓院，兼少府少監、禮部左司郎中，拜吏部侍郎，兼蔡王傅。以

病免。宏簡錄除鄭州防禦使，陝西東路轉運使，順天軍節度使，大安

初召爲吏部尙書，有疾，改安國軍節度使。益調民夫修完城郭，爲

戰守備，按察司止之不聽。曰：「治城守，臣事也。」按察何預？旣而兵至，

以有備解去，改橫海定國軍節度使，道阻不赴。金史列傳會宣宗爲吏

部尙書，益爲侍郎，相得歡甚。貞祐二年，至汴京訪益所在，召爲太

常卿上防秋十三事論遷河北軍民非便不報宏簡錄貞祐三年致

仕元光九年卒金史列傳

劉徽柔字君美安次人一統志天眷三年擢進士第初爲眞定樂城

主簿轉開遠軍節度掌書記遷洪洞令性明敏善聽斷縣人楊遠

者投牒於縣以爲夜雨屋壞壓其姪死號訴哀切徽柔熟視而笑

曰汝利姪財而殺之乃誣雨耶叱付獄其人立伏曰公神明也不

敢延死遂寘於法金史列傳秩滿縣人遮留不得爲立祠刻石以頌功

德東安志正隆二年入爲大理評事遷司直大定二年同知河東南

路轉運同知以廉第一改知平定軍入爲大理少卿七年知磁州

改同知南京留守事十月遷中都路轉運使卒官金史列傳

王中安其先自臨潢移貫宛平金史王貴傳家世好義宏簡錄二祖士

方正直敢言遼道宗信樞密使耶律伊遜之譏殺其太子世無敢

白其冤者士方擊義鐘以訴遼主感悟卒殺伊遜厚賞士方授承

奉官中安擢進士第坐田穀黨事廢

金史王貴傳

世宗在熙宗時知田

穀黨事皆蔡松年等構成之而浩等

案浩卽孟浩

三十二人遇天德赦

令還鄉里多物故惟浩與中安在大定二年召見復官爵中安知

火山軍事

金史孟浩傳

後終沂州防禦使中安及二子貴質俱登進士

錄

賁字文儒性孝友勤敏學由復州軍事判官補尙書省令史擢右

三部檢法司正侍御史賈鉉舉賁安靜有守不尙奔競政府亦言

其廉素善議論擢河北東西大名府路提刑判官選授尙書省都

事用薦者多起復刑部員外郎爲侍御史累遷南京按察使卒賁

敦厚尙義篤於親朋不營產業比歿家甚饒贈朝列大夫仍厚卹

其家

金史列傳

質字敬叔累官吏部主事以才幹舉遷昭義軍節度副使至禮部
尚書致仕卒

宏簡錄二百三十五

章宗問質臨事若何張公萬對曰勝其兄

質章宗曰及其兄亦可矣

金史列傳

王脩字脩然涿州人登皇統二年進士由尚書省令史除同知霸

州事

金史列傳

甫入仕卽以才幹稱大定中皇子曹王尹大興脩爲少

尹王移鎮北門復以同尹從之前後多所規益朝廷稱焉

中州集八

同知咸平府攝府事

歸潛志八

吏民憚其威雖豪右不敢畏犯

金史列傳

遷

遼東路轉運使時遼東路多世襲猛安謀克居焉其人皆女真功

臣驚亢奢縱不法脩思有以治之會郡民負一世襲猛安者錢貧

不能償猛安者大怒率家僮輩強入其室牽其牛以去民因訟于

官脩得其情令一吏呼猛安者其猛安者盛陳騎從以來脩朝服

召至廳事前詰其事趣左右械繫之乃以強盜論杖殺于市一路

悚然

歸潛志入

歲餘收顯德軍節度使復坐拽辱倉使王祺致死追兩

階降授鄭州防禦使

宏簡錄二百三十六

案中州集云為怨家所誣奪官宰相有為辦理者得鄭州防禦使

與此

章宗卽位擢同知大興府事審錄官奏脩前任顯德廉潔剛

直軍吏歛迹訟獄無滯遷禮部尚書大理卿

金史列傳

明昌元年充賀

宋生日使

金史章宗紀

使宋還會改葬章宗母孝懿后父圖克坦貞

原作

徒單貞

欲用唐葬李靖故事班劬鼓吹羽葆等儀衛宰臣以貞與弒

熙宗意頗難之有詔下禮官議脩言晉葬丞相王導給前後羽葆

鼓吹武賁班劬百人唐以來大駕鹵簿有班劬其王公以下鹵簿

並無班劬並羽葆非臣下所宜用國朝葬大臣亦無之上怒曰典

故所無固可從宜用之

宏簡錄

二年改知大興府事

金史列傳

素察僧多

游貴戚家作過乃下令午後僧不得出寺街中不得見一僧有一

長老犯禁脩械之長老者素為貴戚所重皇姑長公主使人請焉

脩日奉主命卽令出之立召僧杖一百死自是京輦肅清歸潛志入爲

尹兩月發姦擊強剖繁理劇百年以來無有出其右者尋爲護前

者所排繫獄累月上知其非罪出之中州集八明年起授定海軍節度

使諭旨曰卿賦性太剛率意行事自蹈刑辟朕念入仕久頗有執

持復遇歲歉民饑爲盜須舊人鎮撫庶得安治勉盡乃心以圖後

效未幾表乞致仕太和七年卒年七十五宏簡錄二其爲吏之名

人云過宋包拯逮甚歸潛志八至今言名臣者必及焉中州集八其子漸爲

吏亦有能稱爲中都警巡使歸潛志八

張亨字彥通大興鄆陰人登皇統六年進士第調樊山丞以廉幹

聞授宏州軍事判官歷鉅鹿宜川令金史大定二年補尙書省令

史除大理司直累遷左司郎中戸吏二部侍郎擢中都路都轉運

使坐失舉草場使鄧汝霖盜草事解職起授戸部尙書宏簡錄二

百三十九

世宗謂宰臣曰御史中丞馬惠迪與張亨人才孰優平章政事張

汝霖曰惠迪爲人雖正於事不敏亨吏才極高

金史列傳

時車駕東巡

費用百出自遼以東距都四千里泉貨甚少計司患其不給欲輦

運以支調度率三而致一亨奏不獨枉費國用兼且重勞民力乃

創會便法使行旅便於囊橐國家省於轉輸詔從之俄因奏事脫

略出爲絳陽軍節度使世宗復語宰臣曰漢人三品以上官常少

得人如張亨頗爲衆議所歸近令補外可惜也

宏簡錄

章宗卽位初

置九路提刑司時方重其選上以亨爲河東南北路提刑使兼勸

農採訪事訪利病條爲十三事以聞上嘉納之亨在職每事存大

體略苛細御史以寬緩不事事劾之降授蔡州防禦使明年遷南

京路轉運使轉知歸德府事致仕太和二年卒年七十八

金史列傳

亨才識強敏明達吏事終始有可稱云

一統志

丁暉仁字藏用宛平人曾祖夷祖惟壽父鈞以吏補州縣所至有聲後致仕杜門不出鄉里有鬪訟者不之官就鈞質焉暉仁冲澹寡欲讀書外無一他好遼季避難閒關道途未嘗釋卷

宏簡錄二百三十九

皇統中舉進士

義補唐志七十一

調武清縣丞縣經兵革後無學校暉仁

召邑中俊秀子弟教之學百姓欣然從之調磁州軍事判官以廉攝守事遷和川令前令罷戾不事事羣小越法干禁無所憚暉仁申明法禁皆屏息或走入他縣以避之有董祐者最稱强悍畏服暉仁以刀斷指誓終身不復犯法凡租賦皆與百姓前爲期率比他邑先辦厯北京推官再遷大理司直以憂去官尋起復大定三年除武定軍節度副使

金史列傳

開官攝政獄無留訟改大理丞吏部

員外郎

宏簡錄

於是賈少冲爲刑部郎中上謂左丞相赫舍哩良弼

曰少冲爲人柔緩不稱刑部之職其議易之乃以暉仁爲刑部郎

中

金史列傳

復轉戶部坐尚廐局官私用官芻違格解職左授祁州刺

史祁本定武支郡

金史列傳

士民間辟仁之官

金史列傳

相率歡迎於道改

同知西京留守

魏補唐志

首興學校以明養士法遷陝西西路轉運使

大定二十一年卒官

金史列傳

馬惠迪字吉甫渚陰人天德三年擢第再調昌邑令察廉第一補

尚書省令史大定中出爲西京留守判官以治最擢同知崇義軍

節度使累遷左司郎中先是鄧儼居是職世宗愛其明敏惠迪一

日奏事退上謂宰臣曰人之聰明多失於浮衍惠迪聰明而樸實

五品以下朝官鮮有如者未幾起授御史中丞不久拜參知政事

時烏達葛葛

原作烏底改

叛亡世宗已遣人討之又欲益以甲士毀其

船棧惠迪奏曰得其人不可用有其地不可居恐不足勞聖慮上

曰朕固知之所以毀其船棧正欲不使再窺邊境耳無何討者不

克敵而還各杖罷之惠迪尋以憂去起爲昭義軍節度使明昌元年爲南京留守致仕卒

宏簡錄二百三十六

王啟字希畢大興人正隆二年進士累遷戶部員外郎通州刺史用宰相萬公薦權右司郎中章宗卽位不一歲遷工部侍郎卽以河南北路提刑使拜吏部尙書使宋使還出爲絳陽軍節度使致仕還鄉里與左丞董參政馬宣徽盧尙書郭爲九老會年七十九

卒子師揚

中州集八

師揚字仲雄南渡後隱居崧山時年已六十餘經傳子史皆手自鈔之如健舉子結夏課然雷希顏說師揚在太學同舍號爲閉戶王先生其謹厚蓋家法云

中州集八

馬琪字德玉寶坻人

一統志

正隆五年擢進士第調清源主簿三遷

永清令永清畿縣煩劇號爲難治前令要介有能聲琪繼任不減

擢問

宏簡錄二百三十六

補尙書省令史以永清治最授同知武定軍節度

使事興中府治中召爲戶部員外郎

金史列傳

世宗悅其正直兼明法

律改爲侍御史因奏高德溫獄於富戶寄錢事皆略不奏上以爲

寬縱語宰相日稱職之才何其難也

宏簡錄

尋轉左司員外郎扈從

東巡還右司郎中移左司時擇使宋國者世宗欲命琪宰相言其

資淺詔特遣之遣授吏部侍郎

金史列傳

嘗薦楊伯通廉幹尙書復察

如其所舉尋改戶部章宗卽位除中都路都轉運使

宏簡錄

時戶部

闕官上命宰臣選可任者或舉同知大興府事烏克遜仲和上曰

仲和雖有智力恐不能主錢穀理財安得如劉晏者官用足而民

不因唐代以來一人而已或舉琪上然之曰琪不肯欺官亦不肯

害民是可用也遂擢爲戶部尙書

金史列傳

久之疾病在告上遣近侍

傳旨不具服而出有司當以違慢追官解任大理少卿閻公貞謂

荒遽失措出於無心復令任職

宏簡錄

明昌四年拜參知政事詔諭

之曰戶部邊難得人願無以代卿者用卿晚耳

金史列傳

既在省上問

比來凡事何故少於往時也對曰昔宰職多有異同今情見不同

甚少故覺稀耳上曰往多情見爲是耶今無者爲是耶琪曰事狀

明者不假情見便用情見亦要歸之是而已五年河決武陽薊封

耶而東

宏簡錄

九月甲子都水監官王汝嘉等坐河決各削官兩階

戊辰命琪往視河決仍許便宜從事閏月庚辰自行省回具奏河

決利害承安三年三月不雨夏四月命琪祈雨於太廟

金史章宗紀

連

歲旱暎表祈致仕不許明年出鎮安武軍致仕卒子師周開門祇

候當給假以聞上悼之以不奏聞責諭有司二品官卒皆具以聞

自琪始琪性明敏習吏事其治錢穀尤長

金史列傳

然性吝好利雖位

參政私鬻省醢頗爲當時所少

宏簡錄二百三十六

宋辰宛平人正隆五年進士歷辰州甯化州軍事判官曹王府記
室參軍陝西西路轉運都勾判官補尙書省令史除武定軍節度
副使中都右警巡使時固安縣丞劉昭與部民裴原爭買鄰田辰
用昭屬抑原使毋爭御史臺劾奏奪一官解職降廣甯府推官改
遼東路鹽使丁父憂起復吏部員外郎歷薊曹景州刺史同知中
都路轉運使事金史官至沁南軍節度使
唐志貞祐二年正月乙未大元兵徇懷州金史宣宗紀城破死焉金史列傳

劉仲洙字師魯宛平人大定三年登進士第歷龍門主簿香河酒

稅使再調深澤令金史列傳縣近滹沱河秋成時水忽暴溢極力護塞

竟以無害有盜夜發居民震驚率縣卒生執其一餘衆遂潰旦日

掩捕皆獲宏簡錄二百三十九尋以廉能進官一階陞河北西路轉運司度

支判官入爲刑部主事六遷右司員外郎俄轉吏部世宗謂宰臣

曰人有言敏辨而庸常不正者有言拙訥而才智通達存心向正者如劉仲洙頗以才行見稱而口語甚訥右丞張汝霖曰人之若是者多矣願陛下深察之二十九年出爲祁州刺史以六善爲教民化之章宗卽位除中都西京等路提刑副使先是田穀等以黨罪廢錮者三十餘家仲洙知其冤上書力辯帝從之迺復穀官爵而黨禁遂解明昌二年授并王傳兼同知大同府事尋改平陽移德州防禦使轉運郭邦傑節度李晏皆舉仲洙以自代陞爲定海軍節度使

金史列傳

歲饑表請開倉未報先爲賑貸劾論以贖

宏簡錄

時

仲洙兄仲淵以罪竇石州仲洙上書請以萊易石朝廷義而不許

金史列傳

久之以年老乞休累表方聽泰和八年卒年七十五

宏簡錄

仲

云

金史列傳

洙性剛直果於從政尤長於治民所在皆有功績蓋一時之能吏

馬百祿字天錫通州三河人父柔德天會初第進士累遷翰林修撰坐田穀黨免官迨黨禁解復召用百祿幼志學事繼母以孝聞登大定三年詞賦進士第調武清主簿由龍山令召補尙書省令史不就改權貨副使平陽府判官入爲國子博士朝廷以宰縣日清白多治績特遷同知北京路轉運事委錄南北路刑獄所至無冤召爲同知戶部員外郎與同知河北東路轉運事季京爲中都等路推排使明昌初遷耀州刺史吏民畏愛提刑司以狀聞授韓王傅同知安武軍節度使俄改兼同知興平軍以提刑司復舉廉升孟州防禦使再遷南京路提刑使御史臺言其剛直能幹轉知河中府承安四年致仕卒諡曰貞忠

金史列傳

閻公貞字正之宛平人登大定七年進士調朝邑縣簿由普潤令補尙書省令史察廉升同知亳州防禦改中都左警巡使以政績

聞遷同知武定軍節度明昌初召爲大理正累進大理卿

金史列傳戶

部尙書馬琪病告近侍傳旨不具服曳履而出有司議當徒二年

減外猶追官解任公貞以爲琪本荒遽失措與非病告有違不同

宜減徒二年三等論之上從公貞議

金史馬琪傳

公貞居法寺幾十年

詳慎周密未嘗有過舉被命校定律令多所是正金人以爲法家

之祖云

金史列傳

承安元年命與登聞檢院賈益同看陳言文字遷翰

林侍讀學士未幾卒

宏簡錄二百三十六

巨構字子成平谷人幼篤學

金史列傳

大定時第進士

平谷朱志

由信都丞

察廉爲石城令補尙書省令史授振武軍節度副使改同提舉解

鹽司事以課增入爲少府監丞再遷知登聞檢院兼都水少監

金史

列大定二十三年六月壬子有司奏右司郎中段珪卒上曰是人

甚明正可用者也如知登聞檢院巨構每事委順而已燕人自古

忠直者鮮遼人至則從遼宋人至則從宋本朝至則從本朝其俗

詭隨有自來矣

金史世宗紀

二十五年除構南京副留守章宗爲皇太

孫上語之曰佐貳之任貴能與長官辨正恐此人不能爾若任以

長官必有可稱章宗卽位擢橫海軍節度使所治以鎮靜稱

宏簡錄二

百三十九構寬厚寡言性尤謙退故人既貴不復往來先遣以書裁答

寒溫而已大定中詔與近臣同經營香山行宮及佛舍其近臣私

謂構曰公今之德人我欲舉奏公行將大用矣構辭之以廉慎守

法在考功籍始終無過云

金史列傳

梁瑋字國寶別字瑩中范陽人大定十六年進士厯州縣稍遷警

巡使治尙嚴肅權貴歛迹朝廷知其才累試繁劇由中都路轉運

使拜戶部尙書俄參知政事天資方正敢言大事北兵動立和議

人有笑其懦者卒如其言未幾薨於位虎賁曰梁瑋在族矣其爲

人可知

中州集九

崔遵字懷祖北燕人父建昌字曼卿大定二十五年進士仕至同

知武安軍節度使事遵事繼母孝與人交有終始遲重少語未嘗

及人短長

中州集七

少有詞賦聲所交皆名士累舉不第南渡後暇科

舉不爲

歸潛志三

居崧山二十年

中州集

以讀書作詩爲事

歸潛志

課童僕

治生生理亦粗給前輩如趙吏部子文張左丞信甫馬亳州叔獻

皆與之詩酒相往來遵喜賓客有醞藉從容文雅使人久與之處

而不厭也

中州集

正大末北兵入河南爲兵所得脅令往招洛陽見

殺

歸潛志

嘗有宿少林詩云青山已有十年舊小雪又爲三日留其

他往往稱是

中州集

元裕之稱之

歸潛志

梁斗南字拱宸

良鄉楊志

良鄉人性穎悟工詩

鐵輔唐志

讀書閭山與

同舍生論及鬼神斗南以爲不足畏同舍生曰閭山廣甯廟汝能

夜獨往乎斗南曰諾當至其壁爲驗往則遇見殿上燈燭照耀聞
曰丞相來燈燭盡滅斗南以筆至殿壁間由門至東北隅暗中觸
一物捫之則人也攜以歸乃一女子有殊色問其故曰妾蘇州人
因清明觀擊毬忽怪風晝晦昏暗中不省至此而爲公所救人皆
驚異事聞詔以女配斗南生二子人謂天賜夫人云斗南登進士
第一累官至河南都運有幹局長於吏事能剗繁治劇時輩服其
通敏二子敬恭敬左司郎恭仕元世祖官至金紫光祿大夫中書
平章事

良鄉
楊志

龐鑄字才卿大興人

中州集五
元裕之所輯

案金史作遼東人
中州集爲自
見聞較確今從之

號默翁家世貴顯明昌五年進士

中州集五

博學能文工詩造語奇健

不凡世多傳之

金史
列傳

風流文采爲時輩所推字畫亦有蘊藉

中州集五

南渡後爲翰林院侍制遷戶部侍郎

金史
列傳

仕有能名坐游貴戚家

出倅東平

歸潛志四

改京兆路轉運使卒

宏簡錄二百三十五

趙伯成字子文宛平人明昌五年經義詞賦兩科進士博通書傳有真積之力性沈厚言必中理在太學日人以趙骨鯁目之累遷侍御史拜中丞陝西西路轉運使靜難軍節度使哀宗卽位召爲吏部尙書坐爲飛語所中罷官卒於崧山中

中州集八

范中字極之大興人承安中進士累官京西路司農少卿滑州刺史好賢樂善有前輩風流貞祐中高琪當國專以威刑肅物士大夫被摺撫者皆辱與徒隸等醫家以酒下地龍散投以蠟丸則受杖者失痛覺此方大行於時中戲爲詩云嚼蠟誰知味最長一杯卯酒地龍香年來紙價長安貴不重新詩重藥方時人傳以爲笑中嗜讀書一以資于詩詩亦往往可傳壬辰卒于京師年五十七

中州

集八

杜時昇字進之霸州信安人博學知天文不肯仕進承安太和間

宰相數薦時昇可大用

一統志

時昇謂所親曰吾觀正北赤氣如血

東西亘天下當大亂亂而南北當合爲一消息盈虛循環無端

察往考來孰無違之

金史列傳

語多奇中隱崧洛山間

萬厯沈志五

方金人

重舉業時昇首以伊洛之學教後進

金史辛愿傳

從學者甚衆

宏簡錄二百四

十六正大間元兵攻潼關拒守甚堅衆皆相賀時昇曰大兵皆在秦

鞏間若假道於宋出襄漢入宛葉鐵騎長驅勢如風雨中原四達

無高山大川爲之險阻土崩之勢也頃之元衆自饒風關入襄陽

出南陽金人敗績于三峯山汴京不守皆如時昇所料云

金史元列傳

初屢聘不就著述甚富

萬厯沈志

正大末卒

永清縣志

贈魏郡公諡文獻

萬厯

沈子瑛

永清周志

趙質字景道遼相思溫之裔舉不第隱居燕城南教授爲業明昌

間章宗游春水過其地間絃誦聲駕臨齋舍見壁間題詩諷詠久之賞其志趣不凡詔至行殿授官

宏簡錄二百四十六

固辭曰臣僻性野逸

志在長林豐草金鑣玉絡非所願也况聖明在上可不容巢由爲

外臣乎益奇之賜田千畝復之終身泰和二年卒年八十五

金史列傳

呂貞幹字周卿大興人呂氏自國朝以來父子昆弟凡中第者六人以六桂名其堂貞幹尤自刻苦酷嗜文書著碣石志數十萬言

皆近代以來事迹幽隱謠怪詼嘲評無所不有在史館論正統

獨異衆人謂國家止當承遼大忤章廟旨謫西京逆幕量移北京

致仕自號虎骨道人晚感末疾又號呂跛子自作傳以見志弟子

安字晉卿子雲字祥卿子鑑字德昭皆名士子羽其從子云

中州集八

子羽字唐卿大定末進士

中州集八

南渡爲左司郎中坐事免官後同

知開封府遷陳州防禦使時軍旅數興戶口逃竄子羽因以實聞

于朝而小人李渙以爲不憂國失軍儲下吏當死于羽恥之自縊

于太康驛歸潛志四朝廷有辨其寃者詔復官雷希顏爲制辭云毀譽

之來在仁賢而不免是非之論至久遠而乃公人謂子羽於此語

爲無愧云中州集八子羽入仕以能稱讀書爲文有士大夫風致死非

其罪天下傷之歸潛志

高斯誠字法鵬大興人歸潛志四劉中教授弟子中州集四至甯九年經義

魁也讀書有學問頗喜浮屠自號唯菴一作南菴與王從之李之純游

爲文詩恬澹自得初調鳳翔府錄事爲行部檄監支納陳州倉因

忤郡魁吏構之下獄幾死已而赦免病終歸潛志五

高永字信卿漁陽人歸潛志八父元字善長教永作舉子業略通卽棄

之去爲人不顧細謹有幽并豪俠之風賓客入門則盡家所有者

爲具不爲明日計人以此愛之中州集八讀書喜談兵文辭豪放長於

論事

歸清志八

自貞祐初避兵太原與李長源汾居於廣平寺有盜穴

牆而入汾性恇怯聞騷卒聲噤不敢語盜盡挈永所有而去汾徐

曰綠林之子至矣於是永生理大狼狽南渡居嵩州出入李純甫

之門其學遂進初名夔字舜卿又名揆純甫改焉真定王之奇士

衡攻雜學純甫目爲怪魁王從之若虛內翰爲賦善哭詩奉聖馬

餌升公敢爲大言著書十萬言號北新子大略以談兵爲主且曰

古人兵法非不盡但未有北新子五十里大雨耳永皆與之游故

其詩豪宕譎怪不爲法度所窘

中州集

在南京被圍嘗上書言事不

報病歿於京師年四十六自號應庵

歸清志八

完顏仲元本姓郭氏中都人大安中李雄募兵仲元與完顏阿林

俱應募

金史列傳

人呼仲元爲郭大相公以別阿林數戰有功貞祐三

年賜姓完顏

金史列傳

近制賜本朝姓者凡以千人敗敵三千者

賜及總麻以上貳二千人以上者賜及大功以上千人以上者賜止其家阿林既賜姓以兄守楫及從父兄弟爲請宣宗特詔許之至是仲元上奏曰臣頃在軍旅纔立微功遽蒙天恩賜之國姓非臣殺身所能仰報族兄徐州譏察副使僧喜前汾州酒同監三喜前解州鹽管勾天章守興平縣監酒添福猶姓郭氏念臣與僧喜等昔同一家今爲兩族完顏阿林與臣同功皇恩所加併及本族僧喜等四人乞依此例不許

金史完顏阿林傳

所將兵號花帽軍最强勇

頃之兼本路宣撫使遙知河間府事數月改知濟南權山東東路

宣撫副使

宏簡錄

貞祐四年山東乏糧仲元軍三萬欲於黃河之側

或陝右分屯上書乞補京官且言恢復河朔之策未幾改河北宣

撫副使

金史列傳

紅襖賊千餘人據漣水縣遣提控羅索率兵擊破之

斬首數百餘衆奔潰遂復漣水縣

宏簡錄

是歲十月徙軍盧氏改商

州經略使權元帥右都監詔曰商虢潼關實相連屬卿思爲萬全之計未幾潼關失守仲元軍趨商虢復至嵩汝皆弗及仲元上書曰去年六月臣嘗請於朝廷乞選名將督諸軍臣得摧鋒身先士卒糧儲不給竟不果行今將坐甲待敵則師老財殫日就困敝其大概欲伐西夏以張兵勢又曰陝西一路最爲重地潼關禁坑及商州諸隘俱當預備向者中都居庸最爲要害乃由小嶺紫荊遮出我軍腹背受兵卒不能守近日由禁坑出遂失潼關可選精兵戍之其後乃置秦藍守禦及用兵西夏矣金史列傳興定元年爲單州經畧使敗宋人二千於龜山復敗步騎千餘於盱眙敗紅襖賊於白里港獲老幼萬餘皆縱遣之宋人圍海州仲元軍高橋令阿林傾騎遮出其後夾擊之宋兵解去賜金帶優詔獎諭紅襖賊陷曹馬城剽剽徐單之間提控高琬等分兵擊之俘生口二千三年又

奏單城已固積糧二十萬石集鄉義軍萬餘竝閑訓練足以守禦

乞以所部渡河詔屯宿州與赫舍哩德

原作統石烈德

同行帥府事仲元

有足疾滿百日詔白卿處置機務撫存將士可使李辛出兵四年

遷領保靜軍節度使兼勸農使五年遷鎮南節度使元光元年改

知鳳翔府得士庶心

宏簡錄

鳳翔被圍左監軍實嘉喀齊喀來濟軍

仲元讓喀齊喀總兵事喀齊喀曰公素得衆心不必見讓仲元請

身先士卒諭諸將士曰凡有奇功者卽承制超擢及危急乃輒注

四品以下延札哈瑪爾力戰功最輒授通遠軍節度使

金史列傳

北兵

力攻數月不下而退卒保其城以聞

歸潛志六

圓解奏請擅除拜之罪

宣宗嘉其功皆許之

金史列傳

遷光祿大夫元帥右監丞授河北東路

洮委必喇猛安賜金幣并通犀帶正大間爲兵部尙書皇太后衛

尉卒仲元爲將沈毅有謀南渡後最稱名將云

金史列傳

完顏阿林

原作阿隣

本姓郭氏以功勞賜姓完顏大安中李雄募兵阿

林與完顏仲元等俱應募

金史列傳

南渡之初將帥之中最著名者曰

郭仲元俗號郭大相公其軍號花帽子

原註花帽子一作蒼鶻子

曰郭阿林俗

號郭三相公其軍號黃鶴袖二人本非親兄弟以其壯勇年齒先

後爲配阿林最驍勇人莫能敵屢與北兵戰有功爲士庶屬目

歸澤

宣宗卽位初除通州防禦使遷河間府同知兼清州防禦使將

所部兵駐清滄控扼山東轉橫海軍節度使與山東路宣撫副延

札

原作顏蓋

天澤不相能詔二臣當共濟國事無執偏見妄分彼此尋

改鎮秦定軍山東西路宣撫使與仲元俱加從宜招撫使詔書獎

諭

宏簡錄二百三十二

且令計約涿州刺史蘇爾坦等軍恢復中都於是仲

元阿林兵猥多詔以三等差第之上等備征伐中下戍守懦弱

罷去量給地以贍其家

金史列傳

阿林所部黃鶴袖軍駐魚臺者桀驁

不法掠平民劫商旅道路不通有司乞徙於勝州詔阿林就處置

頃之破紅襖賊於泗水縣柘溝村生擒郝定送京斬之

金史列傳尋改

輝州經略使阿林有家萬五千詔分五千隸東平行省其家訴泣

云我曹以國家多難奮義相從捐田宅離親戚轉戰至此誓同立

功皆還鄉里今將分配他軍心實艱苦乞以全軍分駐懷衛輝州

之間捍蔽大河

宏簡錄二百三十二

阿林因以爲請宰臣奏若遂聽之非唯

東平失備他將倣效皆不可使矣宣宗以爲然加遙授知河南府

事應援陝西

金史列傳

阿林將兵八千西至潼關聞京兆已被圍遊騎

至華州陝西行院欲令駐軍商號拒東向之路阿林奏臣本援陝

西遇難而止豈人臣之節竊惟古用兵步騎相參方可得志今乃

各有所屬臨難不救互分彼此今臣所統皆步卒願賜馬軍千人

則京兆之圍不足解矣宣宗善之令皇太子諭意阿林赴難不回

而軍勢單弱併付以虢州五千使乘隙而進

安簡錄二百三十三

興定元年

遷元帥右都監出秦州伐宋宋統制吳筠守皂角

角又作郊

堡城三重

據山之巔阿林分兵絕其汲路克其外城再克其次城宋兵縱火

而出阿林以騎兵邀之遣步卒襲其後宋兵敗生獲吳筠及將校

二百人馬數百匹糧萬石及兵甲衣襖復敗宋兵於裴家莊六谷

中斬五百級墜澗死者甚衆又敗之於寒山嶺龍門關大石渡得

粟二千餘石復敗之於稍子嶺斬首二千餘級生擒百人是時三

月宿麥方溢阿林留兵守之已而宋兵大至金兵敗阿林戰歿

案歸

潛志云馬

倒被擒 贈金紫光祿大夫西京留守

金史列傳

劉德基大興人貞祐元年特賜同進士出身守官邊邑

金史列傳夏兵

攻城積薪廳事之傍語家人曰城破即焚我未幾果破家人不肯

縱火遂被執脅使跪降德基不屈同僚給曰此人素有狂疾故敢

如此德基曰爲臣死忠理當如此爾吾豈病狂者耶宏簡錄二百四十二夏

人壯其義乃繫諸獄冀其改圖已而召問德基大罵終不能從曰

吾豈苟生者哉遂害之贈朝列大夫同知通遠軍節度使事金史列傳

王毅大興人經義進士累官東明令貞祐二年東明圍急毅領民

兵數百人拒守城破毅猶拒戰力窮被執與縣人願戰者王八等

四人同驅郊外先殺二人王八卽前跪將降毅以足踏之厲聲曰

忠臣不佐二主汝乃降乎驅毅者以刃斫其脛毅不屈而死贈曹

州刺史金史列傳

馬肩龍字舜卿宛平人一統志先世遼大族有知興中府者時人號

興中馬氏祖大中金初登科節度全錦兩州金史列傳父成誼明昌五

年進士爲京兆府路統軍司判官肩龍幼入太學善詞賦有聲宏簡

錄二百四十二過襄垣題詩酒家壁辭氣縱橫時輩少有及者中州集八宣宗

初有誣宗室蘇爾坦殺人將置之死人不敵言其冤肩龍獨上書

言共有將材人罕過之臣一介書生無用於世願代其死留爲天

子將兵

宏簡錄

書奏勅問汝與蘇爾坦交分厚歟肩龍對曰臣知有

蘇爾坦蘇爾坦未嘗識臣蘇爾坦冤人不敢言臣以死保之宣宗

感悟赦蘇爾坦授肩龍東平錄事委行省試驗宰臣侯摯與語不

契留數日罷歸

金史列傳

將渡河與排岸官紛競搜篋中得馬軍糧料

名數及利害數事疑爲姦細繫歸德獄根勘

宏簡錄

適蘇爾坦至立

救出之正大三年客鳳翔元帥愛新深器重之正大四年春元軍

西來擬以德順爲坐夏之所德順無軍人甚危之愛新識肩龍可

與謀事乃遣書招之肩龍得書欲行鳳翔總管哈薩喇國鑑以大

兵方進吾城可恃德順決不可守勸勿往肩龍曰愛新生平未嘗

識我一見許爲知己我知德順不可守往則必死然以知己故不

得不爲之死耳乃舉行藁付族父明之爲死別冒險而去既至不

數日受圍愛新假肩龍鳳翔總管府判官金史列傳委以守禦凡受攻

二十晝夜力盡城陷幾輔唐志七十六肩龍以劍自剄時年五十三軍中

募生致肩龍而不知其終臺諫有言當贈德順死事者官以勵中

外愛新列傳詔配食褒忠廟幾輔唐志

蕭漢傑大興人金國嘗賜姓奧里氏故時人又謂之奧里漢傑父

仲寬飛龍榜登科同知青州軍州事致仕有子六人皆使宦學獨

漢傑不樂遂作舉子爲人慷慨有志膽好讀書通古兵法及陰陽

孤虛祿命之術從軍二十年積官從三品領號州倅關陝總帥府

提控佩金符蓋自燕城圍解之後間關南渡出入行陣間瀕於死

者屢矣鐵嶺之潰復入陝州陝州亂羣不逞輩繫漢傑獄中漢傑

乘昏暮械而出懼爲追者及駕浮壺亂黃流筋疲力涸僅達北岸

爲失侯故將者又二十年流離頓踣人所不能堪而意氣都不少

衰問其日事則曰止以唐生季主之業游時貴聞耳元遠山集十

董文甫字國華潞人積夷堅志一第進士南渡嘗爲大理司直後爲河

南府治中中州集云應金昌府判官禮部員外郎昌武軍節度副使與歸潛志不同然歸潛志乃劉祁所著並言與定初

余先子居喪淮陽公乘傳過焉談道竟日余時爲童子竊聽音下云云其所述似較真今從之

自號無事老人爲人隨謹篤實其學參取佛老二家不喜高遠奇異循常道其於六

經論孟諸書凡一章一句皆深思而有得必以力行爲實事不徒

誦說而已歸潛志五人知尊之而不知其何所得也積夷堅志一子安仁傳

其學亦謹厚歸潛志五父子嘗閒居賓豐閉戶不出以習靜爲業朝夕

不給晏如也中州集九正大中以公事至杞縣自知死期作書與家人

及同官又與杞縣令佐詩多至三十餘首書畢積夷堅志一擲筆於地

以扇障面而逝中州集九

王彪字武叔大興人貞祐五年經義魁也爲文頗馳騁波瀾性疎
放嗜酒不拘細事初對廷策宣宗喜其文以爲似古人特授太子
副司經國史院編修官進司經末帝在東宮頗見知後入翰林爲
應奉遷修撰出爲平涼府治中入爲待制出刺州未赴南京被圍
執之服絕粒藥俄飲酒被藥死

歸潛志

王彥字飛伯

金史列傳

初名青雄

宋元學案一百

大興人

宏簡錄二百四十五

曾祖衍金

紫光祿大夫定海軍節度使祖彥信邠州宜祿尉父欽山東路轉
運司鹽鐵判官彥始生之月父夢神人自天而下開所負紫絲囊
賜一大鵬且云吾後必來取其鵬在地振羽一鳴驚而寤訪諸日
者餘曰凜凜霜鵬賜自上穹旣文於外又剛於中法生貴子其應
在公他日必作青雲之雄旣生因采其語爲名字

歸潛志三

狀貌魁奇

目光如鵠步武翩然相者云病鶴狀貌也年十八父歿家素富貲

累千金遭亂蕩散無幾鬱殊不以爲意

歸潛志

少居釣臺閉門讀書

不接人事爲文法柳宗元閎肆奇古動輒數千言歌詩俊逸效李

白

宏簡錄

作樂府人多傳之

中州集

是時學者惟事科舉時文鬱爲文

一掃積弊專法古人最早爲庠九疇所賞其後潛心述作未嘗輕

求人知李欽叔過釣臺得其所著傷魯麟尊懷等賦并楊孝童碑

王夢祥哀辭大驚徧薦於諸公

歸潛志

用是頗自貴重嘗以布爲囊

采當世名卿詩投其中

中州集

作王子小傳以自叙

金史列傳

又移隱陞

山覃思古學

歸潛志

正大五年游京師以兩科舉進士不中西游洛

陽放懷詩酒盡山水之歡

宋元學案

平日好議論尙氣自以爲儒中俠

其論學孔氏能兼佛老佛老爲世害然有從事孔氏之心學者徒

能言而不能行縱欲行之又皆執于一隅不能周徧故嘗欲著書

推明孔子之心學又別言之行之不同以去學者之弊其論經學

以爲宋儒見解最高雖皆笑東漢之傳注今人唯知蹈襲前人不
敢誰何使天然之智識不具而經世實用不宏視東漢傳注尤爲
甚亦欲著書專與宋儒商訂其論爲文以爲近代文章爲習俗所
蠶不能遽洗其陋非有絕世之人奮然以古作者自任不能唱起
斯文故嘗欲爲文取韓柳之辭程張之理合而爲一方盡天下之
妙其論詩以爲世人皆知作詩而未嘗有知學詩者故其詩皆不
足觀詩學當自三百篇始其次離騷漢魏六朝唐人過此皆置之
不論蓋以尖慢浮雜無復古體故其詩必求盡古人之所長削去
後人之所短其論出處以爲仕宦本求得志行其所知以濟斯民
其或進而不能行不若居高養衆行樂自適不爲世網所羈歸潛志
辛愿嘗謂鬱曰王侯將相世所共嗜者聖人有以得之亦不避得
之不以道與夫居之不能行已之志是欲澡其身而伏於廁也是

難與他人道子宜保之

金史辛愿傳

天興初元兵圍汴京上書言事不

報錄

宏簡

四月圍稍解挺身突出為兵士所得其將遇之甚厚鬱徑

行無機防為其下所忌見殺臨終懷中出書曰是吾生平著述可

傳付中州士大夫曰王鬱死矣

金史

年甫三十

歸潛列傳

張潛字仲升武情人幼有志節慕荆軻聶政之為人年三十始折

節讀書時人高其行誼目為張古人後客嵩山從仲振受易年五

十始娶魯山孫氏亦有賢行夫婦相敬如賓負薪拾穗行歌自得

不知其貧也

金史列傳

鄰里有為潛種瓜者及熟讓潛潛弗取嘗行道

中拾一斧訪其主還之里有兄弟爭財者其弟曰我家如此獨不

畏張先生知耶遂如初

金史列傳

其為人敬服如此

宏簡錄二百四十九

天興間

潛挈家避兵少室山乃不食七日死孫氏亦投絕澗死焉

金史列傳

李伯淵寶坻人

畿輔唐志七十六

本安平都尉司千戶美姿容深沈有謀

金史崔立傳 爲金都帥與崔立守邊綱輔唐志天興二年春正月崔立作亂

以城降蒙古通鑑輯覽九十一又括在城金銀搜索薰灌訊掠慘酷貴族

富人不堪其毒宋史紀事本末九十伯淵結燕人李齊諾綱輔唐志每憤立不道

欲仗義殺之金史崔立傳三年六月甲午傳近境有宋兵宏簡錄二百四十八與

立謀備禦之策翼日晚伯淵等燒外封叩門以警動立金史崔立傳比

明設伏門外約立視火立從苑秀折希顏數騎而往傳諭京城民

十五以上七十以下男子皆詣太廟街點集還至中途倉猝中伯

淵就馬上抱立橫刺之因墜馬死宏簡錄伏兵起元帥洪果薩哈殺

苑秀折希顏後立軍士追斬之伯淵號於衆曰立殺害劫奪烝淫

暴虐大逆不道古今無有當殺之不萬口齊應曰寸斬之未稱也

乃梟立首望承天門祭哀宗遂籍其家金史崔立傳

張天綱字正卿霸州人至甯元年詞賦進士性寬厚端直議論醇

正造次不少變累官咸甯臨潼令入補尙書省令史拜監察御史

以鯁直聞陞戶部郎中

金史列傳

哀宗東幸改左右司郎中扈從至歸

德擢吏部侍郎屢言元帥官勢有反狀上初易之後果反擢權參

知政事

宏簡錄二百四十四

及從上還蔡

金史列傳

時久雨朝士扈從者徒行泥

水中掇青棗爲糧數日足脰盡腫天綱亦然

金史烏庫哩鎬傳

轉御史中

丞扶溝縣招撫司知事劉昌舉上封事請大舉伐宋上命天綱面

詰其蘊召與語無可取者然重違上命且恐塞言路奏以爲尙書

省委差官護衛鈕祜祿溫綽近侍直長鈕祜祿色埒默奉御陳謙

權近侍局直長內族泰和四人以食不給出怨言乞往陳州就食

天綱奏令監之出門任所往才出及汝南岸遇北兵皆見殺時人

快之

金史列傳

烏庫哩先生者本貴人家奴爲全眞師佯爲狂態裸顙

露足綴麻爲衣人亦謂之麻跛先生自言能使軍士服氣不費糧

石右丞仲德知其妄乃奏欲如田單假神師退敵之意授一真人

之號北兵信巫必駭異之或可以成有功

金史烏庫哩鑄傳

天綱力辨以

爲不可遂止軍吏舒穆魯和爾

原作石抹虎兒

求見仲德自謂有奇計退

敵問之北兵所恃者馬今欲制其人先制其馬因出馬面具猶惡

如獅子狀別制青麻布爲足尾仍繫大鈴于頸壯士乘之以突彼

騎騎必皆驚逸我軍鼓譟繼其後此田單所以破燕也

宏簡錄

天綱

曰不可彼衆我寡此不足恃縱使驚去安保其不復來乎恐徒費

工物祇取敵人笑耳乃罷蔡城破爲宋將孟珙得之

宏史列傳

珙問金

主所在天綱曰城危時自經矣

通鑑輯覽九十二

械至臨安俘見廟社

宏簡

錄旣而命臨安知府薛瓊問曰有何面目到此天綱曰國之興亡

何代無之我金之亡比汝二帝何如瓊叱之明日奏其語帝召天

綱問曰汝真不畏死耶天綱對曰大丈夫患死之不中節爾何畏

之有因祈死不已帝不聽初有司令天綱供狀必欲書主爲虜主
天綱曰殺卽殺焉用狀爲有司不能屈聽其所供天綱但書故主
而已聞者憐之後莫知其所終

金史
列傳

李天翼字輔之固安人貞祐二年進士歷滎陽長社開封三縣令
所在有治聲遷右警巡使汴梁旣下僞寓聊城落魄失次無以爲
資辟濟南漕司從事方鑿圓柄不與世通衆口媒孽竟罹非命天
翼材具甚美且有志於學與人交款曲周密久而愈厚死之日天
下識與不識皆爲流涕

中州
集八

崔禮渚人仕金爲四鄉教諭金亡隱居渚東南小安村構園植花
卉閉戶自娛元丞相兀都台及帙古迭兒嘉其高節數過訪復以
金鐘駟馬聘之終不出祀鄉賢

通州
高志

華陽吳祖椿校